

Lungu - Omwooyo Ohulwaana Ebyandiiko - SW Intro Scriptures

- Luka 17:5 Abatume beecha baboolera Omwaami bati, “Twongesemo efukiirira!”** **AbaRoomu 10:17 Sakira, efukiirira yitula hu huwulira emboosi, handi emboosi yitula hu huyaala Kristo.**
- Luka 11:1 Ludaalo lundi, Yesu yali abundu wandi niyekongooya, mani niyamala ohwekongooya, mulala hu beeki bae yamuboolera ati, “Omwaami, tweekese ohwekongooya, koti lu Yowaana yekesa abeeki bae.”**
- 1 Timoteo Yitaangira 2:1-4 Sakira esitaangira, mbekweeda endi, musabireenge, mwekongoyereenge, handi mwebasireenge abandu boosi eyiri Nasae. 2 Mwekongoyereenge abatuki nende abo boosi abali mu bifwo by'obutuki, hu hunyale ohumenya mu bulamu buyenjeefu handi obw'emireembe, nihutya Nasae, handi nihwebisa bilai mu ngeri choosi. 3 Sino silayi, handi sifukiirirwa mu moni wa Nasae Omuwonia weefwe, 4 odaha abandu boosi baonisibwe handi boole hu humanya obwadyeeri.**
- Luka 22:31 “Simooni, ewe Simooni! Bonaho, Sitaani yekombere ohubabukula hu yemewo anyale ohubatondoola koti engaano,**
- Sakariya 3:1,2 - Ebbarwa ya Yuda 1:9 Handi kata nende Mikaayiri malaika muhuluundu siyateemaho ohunyeka Sitaani niyehoonyera emboosi mbi. Nasoolana nende Sitaani, nibayingana hu bidiira hu wiina mweene onaayire omubiri kwa Musa, yaboola ati, “Omwaami mweene ahwolobye!”**
- AbEefeso 6:12 Olwohuba sihuli hulwaana nende emibiru nende amabaanga busa, nae huli ohulwaania obutuki, ohulwaanisa amaani, ohulwaanisa abatuki b'ohusyaalo bali mu sirima siriho endaalo chino, ohulwaanisa okunabuungi kw'emyooyo mibi ech'obuhymu buli mu bifwo byo Mukulu.**
- AbEefeso 6:10,11 Nimaliirisa, becheenge abomiifu mu Mwaami nende mu maani k'obukali bwae. 11 Mwefwaale ebilwaaniro bya Nasae byoosi, hu munyale ohweema tiiri nimweliindire obukodyo bwa Sitaani.**
- AbEefeso 6:13-17 Mani sakira bukule ebilwaaniro bya Nasae byoosi, hu munyale ohuyinduulana mu ndaalo mbi, mani nimuba nimumalire ohuhola ebyo byoosi, mudoong'e nimweemere. 14 Mani mwemeenge nimumalire ohweboya olusibiro mu sibuno nende obwadyeeri, handi nimumalire ohwefwaala ebbaati ly'ohusirifu elyobulungifu, 15 handi nende nimumalire ohufubiha mu makulu keeng'we ebyehoonyerwa by'Emboosi Ndai y'emireembe. 16 nimumalireho bino byoosi, bukule engabo y'efukiirira, yimunyala ohusimisira obuyiingo bumemesamesana obw'omusuku oyo. 17 Handi nimumalire ohubukula ekofya y'obuwonia, nende olugaanga Iwa Mwooyo, oluli emboosi ya Nasae.**
- Ebbarwa y'AbaYibburaniya 4:12 Olwohuba Emboosi ya Nasae, namu handi yiולה, handi njoki ohuhira olugaanga Iwooki emaande chaalwo choombi. Yiheenga ohwoolera elalira yi mwooyo nende endasi bibukaanira yi nyiingo nende obuchunjuni bibukaananira.Yimanyire obwekoombi nende ebibaaso**

by'abandu bya mu mwooyo.

Luka 4:8 Nae Yesu yamukobolamo ati, “Syandiikwa siti, ‘Ohoyeere ohwiinamiraanga Nasae, Omwaami wao, handi oyo yeng'ene niye yonahalabaniranga.’ ”

AbEefeso 6:18 Mwekongoyeenge ebiha byoosi mu Mwooyo, nende ohwekongooya hwoosi nende ohwekongooyeraga abaasyeng'we. Nimumaliirisa mutyo, mubecheenge ameeso nende ohwesimiirisa hwoosi, nimwekongooyeraga aboolerefu boosi,

1 Samueli Yitaangira 17:45-47 - Daudi & Goliath

Luka 10:17-20 Amahumi kataanu-na-kabiri nababiri abo bakobola nibasangaalire muno, nibaboola bati, “Omwaami, kata emisambwa chosi chituwulireenge, nihwehoonyera eliita lyao!” 18 Nae Yesu yababoolera ati, “Mbweene Sitaani niyaakuha natula Mukulu naakwa aasi koti olumesu. 19 Nae bone, mbabeerese obunyala bw'ohuseenakira endemo nende eby'obusiba byoosi, handi nende obunyala bumalawo amaani k'omusuku koosi; mani abulao esiindu sichia ohubawumisa. 20 Nae kata katyo, mutasangaala olwohuba emisaambwa chibawulira; nae musangaale olwohuba ameeta keeng'we kandiikwa Mukulu.”

2 Abakoliiti Yohubiri 10:3-5 Olwohuba kata nende nihuba nihwamenya mu syaalo muno, haba sihuli ohulwaana ebiita by'esyaalo, 4 olwohuba ebilwaaniro by'ebiita byeefwe, haba sineby'esyaalo nae biri nende amaani k'omwooyo akanyala ohusihirisa obwaami bungi obw'amaani. 5 Husihirisa amayingani nende buli sy'ohwewulira situkayira syoosi ohumanya Nasae, handi huwaamba buli bibaaso byaatya Kristo,

2 Timoteo Yohubiri 1:7 Olwohuba Nasae haba siyatubeeresa mwooyo w'obutiirirwa, nae yatubeeresa mwooyo w'amaani, ow'ohudaha, nende ow'ohwefuka.

Matayo 12:28,29 Nae nikali mbwe njirusa emisaambwa hu lwa maani ka Mwooyo Mwolerefu, mani eng'we muhoyeere mumanye muti, Obwaami bwa Nasae bwamala ohuboolamo. 29 Abulao omuundu onyala ohuhalaka enyumba y'omuundu w'amaani maangi, yoola yengira yaamunyakaho ebiindu byae byoosi ohutusaho natangira yamuboya, hu yaanyala ohumunyakaho ebiindu byomu nyumba yae.

AbEefeso 1:13 Mu mweene oyo, eng'we mwesi, abamala ohuwulira emboosi y'obwadyeri, Emboosi Ndai y'Obuwonia bweeng'we, handi mani mwamala mwamufukiiriramo, mwamala ohufuundihirwa nende esisuubise sya Mwooyo Mwolerefu,

Ebiholwa 19:6 Nae Paulo niiali naamalire ohubeesaho amahono kae, Mwooyo Mwolerefu yeecha yabechaho; mani bamala banyala ohulomaloma mu nimi chikabuhane handi nende ohutuumbula ebicha ohubao.

Mariko 16:15-18 Mani yababoolera ati, “Muche mu syalo syoosi, mani muyaale Emboosi Ndai, eyiri ebiloonge byoosi. 16 Oyo ofukiirira, handi yabatiisibwa,

**achia ohuwonisibwa; nae oyo otafukiirira, omusango kucha ohumuhira. 17
Mani buno nibwo obulolero bucha ohuba nende abo abafukiiririra: muliita
Iyaange, bacha ohwirusa emisaambwa; bacha ohulomaloma enimijahia;
18 bacha ohudiira enjuha mu mahono kaabwe, handi nibang'wa obutwa
bw'amaani, sibuchia ohubahola bubi; bacha ohwisa amahono kaabwe hu
balwaaye, mani baone."**

1 Ebbarwa ya Yowaana

**Yitaangira 1:9 Nae nihweyama ebibi by'efwe eyiri Nasae, achia ohwoseresa
siyatusuubisa olwohuba mwesikwa handi mulungifu. Achia ohutuleheramo
ebibi byeefwe byoosi mani atulabye ohutula mu bibi byeefwe byoosi.**

**sy'Esabbuli 109:17 - Ebbarwa ya Yakobbo Ebbarwa yi Yakobbo Yandiika 3:10
Mu munwa mulala omwo nimwo omutula ohufumia Nasae nende ohuholima
abandu. Basyaange, sino haba sisihoyerahuba sityo!**

**Omusango 16:16 - 2 Ebbarwa ya Peetero Eyohubiri 2:7,8 Olwohuba yawonia
Luti omuundu mulai, owachuunirwa muno ehola mbi y'abandu batadeeba hu
malako. 8 Olwohuba omuundu mulai oyo yali yabamenyamo, mani buli
Iudaalo yachunisibwaanga mu mwooyo naabona handi nawulira ebiholwa
byaabwe bibi ebyo.**

**AbEefeso 4:26 Nyolereenge nae mutaholaanga esibi; mutalehanga elyuuba
likwa nosisiiri nende etima, AbaRoomu 14:12 Sakira buli muundu
yeesi hweefwe, achia ohwewosaho eyiri Nasae ebidiira hu bulamu bwae.**

**1 Ebbarwa ya Yowaana Yitaangira 2:23 Olwohuba omuundu yekaana
Omwaana wa Nasae, oyo aaba yekaana Simwaana yesi; handi omuundu
ofukiirira Omwaana wa Nasae, oyo aaba afukiirira Simwaana yesi.**

**Yowaana 14:6 Nae Yesu yeecha yamuboolera ati, "Ese niise engira, handi
obwadyeri, handi obulamu; abulao omuundu yeesi onyala ohwiicha eyiri
Nasae, natabitiire hweese.**

**Matayo 11:28-30 Mwiiche yindi, eng'we mweesi abahalaabana handi
mwasidoyerwa, nae ese njia ohubawuluusa. 29 Mwedwihe ekoombo
Iyaange, handi munjekereho, olwohuba ese ndi omudiira-kaala handi
omuloonga mu mwooyo; mani mwahanyoole yimuwuluusira emyooyo
cheeng'we. 30 Olwohuba ekoombo Iyaange, Iyaangu, handi omukaangi
kwaange, simusito."**

**2 AbaKoliiti Yohubiri 6:2 Olwohuba omweene aboola ati, "Esiha syali
nisihoyerahuba nisyoola, ndabatekeeresaanga, handi nende ohubahoonya hu
Iudaalo Iw'obuwonia." Boneho, bulaanu nisyo esiha sihoyerahuba; boneho,
Iwaleero nilwo oludaalo Iw'obuwonia.**

**AbaRoomu 10:13 Koti lu byandiiko byolerefuboola biti: "Buli muundu yeesi
olaanga eliita ly'Omwaami achia ohuwonisibwa."**

Exodus 20:5 - sin cursed to 3 & 4 generations

Pastor T. John Franklin

Church of Salvation, Healing, and Deliverance

COS-HAD.org